

Ed.

775. Nefndarálit

um frv. til 1. um skipulagssjóði.

Frá fjárhagsnefnd.

Nefndin hefur athugað frumvarp þetta og borið það saman við frumvarp um sama efni, sem borið var fram á Alþingi 1940. Er í frumvarpi þessu hert allmikið á skattinum frá frv. 1940 og nokkru bætt við, eins og segir í grg. frumvarpsins, og verður að telja það yfirleitt til bóta.

Á hinn bóginn virðist nefndinni svo sem skattur þessi geti undir vissum kringumstæðum komið mjög illa niður og það svo, að vart sé gerlegt, þar sem meta skal hús til verðhækkunar og innheimta alla verðhækkunina án þess að nokkur trygging sé fyrir því, að eigandinn geti selt fasteignina fyrir matsverðið, og auk þess vafamál, hvort sanngjarnt sé að heimta af eigandanum alla verðhækkunina, þar sem þó verður að viðurkenna, að hann verður fyrir allmíklum óþægindum af ráðstöfum þessum.

Nefndin treystir sér því ekki til þess að mæla með frumvarpinu án frekari athugana, sem ekki eru nú á hennar færi, en telur nauðsynlegt, að löggjöf í þessa átt verði sett sem fyrst og leggur því til, að frumvarpið verði afgreitt með svólatandi

RÖKSTUDDRI DAGSKRÁ:

Í því trausti, að ríkisstjórnin láti athuga, hvernig haganlegast verði aflað tekna til nauðsynlegra skipulagsbreytinga bæja með því að skattleggja þær verðhækkunarir fasteigna, er af þeim stafa, og leggi fyrir næsta Alþingi frumvarp um það efni, tekur deildin fyrir næsta mál á dagskrá.

Einn nefndarmanna (HG) var ekki á fundi, þegar frv. var afgreitt í nefndinni.

Alþingi, 11. apríl 1946.

Magnús Jónsson,
form., frsm.

Bernharð Stefánsson,
fundaskr.
Ásmundur Sigurðsson.

Þorsteinnsson.